

ዛካርያስ ዓይያ ካር

ጾአሲ ማሊያ ኬኤዛ ዛካርያስ ማፃአፓ ላምዖ ቤሲ ፓቂንታ ማሊሢ ዓኣያኬ፤

ፔታሳዛ ዓይሢ 1—8 ሄላንዳኣና ዓኣ ማሊያኬ፤ ዬና ኪሪሰቶሴ ሾይንታንዳሢኮ ቤርታ ደንጎ ጄኤታና ላማታሚ ሌዔፓ ዴንዲ ደንጎ ጄኤታና ታጾ ሳሊ ሌዔ ማዓ ጋርይዳ ዳማ ዳማ ዋዴና ጾአሲ ማሊያ ኬኤዛ ዛካርያስ ኬኤዜ ባኣዚ ዓርቂያኬ፤ ዬያታ ጾአሲ ማሊሢ ማዓም ኬኤዚንቲ ቃኣላ ጾአሲ ፔጋሲ ዳቄ ጎይሢና ኬኤዚንቲያ ማዓዛ፤ ዬይ ኬኤዚንቲ ባካ ዬሩሳላሚኮ ጊንሢ ላሚ ዓካዲያ፤ ጌኤዦ ማኣርኮ ጊንሢ ማዢንቲያ፤ ጾአሲ ዴርኮ ጎማፓ ጌኤሸኪዖንታ ሃጊ ሙካንዳ ማሲሄ ዋዶ ዛሎዋ ኬኤዛያኬ።

ላምዓሳዖ ዓይሢ 9—14 ሄላንዳኣና ዓኣ ቤዘይዳ ኬኤዚንቲ ባካ ዳካ ናጌዖ ኬኤዚንቲ ጾአሲ ማሊሢ ዓርቂያኬ፤ ዬያታ ጾአሲ ማሊሢ ማዒ ኬኤዚንቲ ቃኣላ ኬኤዛሢ ሃጊ ሙካንዳ ማሲሄ ዛሎንታ ጋፔንዖና ዋጊንታንዳ ዋጎ ዛሎንታኬ።

ማፃአፔላ ዲማ ዲማ ዓርቂ ባኮ

ሜታ ዓኣያ ማዒፃ ላቲ ኬኤዚንቲሢና ሃጊ ሴካ ዋዛ ዓኣያ ማዒያ (1:1—8:23)

ዒሰራዔኤሌኮ ዓሺኖ ማዔ ዓጮይዳ ዋጊንታንዳ ዋጌ (9:1-8)
ሃጊ ሴካ ዓኣ ዖርጎቹምንታ ዋዛንታ ዛላ (9:9—14:21)

ናንጊና ናንጋ ጎዳ ፔ ዴራ ዒዛ ባንሢ ማዓንዳጉዲ ዔኤሌሢ

1 ዳኣሪዮሴ ፓሪሴይዳ ካኣታዴንቲ ላምዓሳ ሌዖኮ ሳላሳ ዓጊኖና ዒደኮ ናኣዚ፤ ባራኪዮ ናዖ ማዔ፤ ጾአሲ ማሊያ ኬኤዛ፤ ዛካርያስም ናንጊና ናንጋ ጎዳ ኬኤዜ ቃኣላ ያዲኬ፤ 2 ዛካርያስ ዴርም ሂዚ ጌይ ኬኤዛንዳጉዲ ቢያ ባኮ ዋይሢ ጎዳ ማዔ ጾኣዛሢ ዓይሢኤ፡- «ታኣኒ፤ ናንጊና ናንጋ ጎዳ ዒንሢኮ ቤርታኣ ዓደንሢ 0-ፃ ሚርጌና ዳጋዴኔ፤ 3 ሃሢ ጋዓንቲ ታኣኒ ዒንሢም ሂዚ ጋዓኔ፡- ታ ባንሢ ማዕ-ዋቲ፤ ታኣኒያ ዒንሢ ባንሢ ማዓንዳኔ።

4 «ዒንሢኮ ቤርታኣ ዓደንሢጉዲ ማዒፖቲ፤ ዔያቶም ሚና ታ ማሊያ ኬኤዛ ዓሳ፡- ዒንሢ ሃንታ ዋቦ ጎይዖና ፑርቶ ማደናፓ ማዕ-ዋቲ፤ ጌይ ላቲ ኬኤዚናኣኮኬ፤ ዒንሢኮ ቤርታኣ ዓደንሢ

ጋዓንቴ ዬያ ዋይዚባአሴ፤ ታኣኮ ዓይሢያዎ ካፒ ማዲ ኩንሢባአሴ።
 5 ሃሢ ዬያ ታረንሢኮ ቤርታኣ ዓደንሢያ ዎካ ዓኣይ? ታ ማሊያ ኬኤዛ
 ዓሶ ማዔቴያ ናንገና ናንጋያዳ? 6 ጋዓንቴ ታ ዓይሎ ማዔ፣ ታ ማሊያ
 ኬኤዛ ዓሶ ዛሎና ዓንሢኮ ቤርታኣ ዓደንሢያም ታ ዓንጌ ዎጎንታ
 ዓይሢያንታ ካፖ ዓይያና ዔያቶ ሜታ ሄሊባይ? ዬያሮ ዔያታ ፔ
 ዳቢንቶ ዔራ፡- «ቢያ ባኮ ዎይሢ ጎዳ ማዔ ያኣዛሢ ማሌ ጎይያጉዴያ
 ኑ ማዔ ማደ ጎይያና ኑ ሃንቴ ጎይያናጉዴያ ኑጊዳ ዒዚ ባጌ ሜታሢ
 ፒዜ ካራናኩ» ጌዔ።»

ያኦሲ ማሊያ ኬኤዛ ዛካርያስም ፔጋዲ ጰደ ፓራሢ

7 ዳኣሪዮሴ ካኣታዳንቴ ላምዓሳ ሌያና፣ ሹባፄ ጌይንታ ታጾ ፔታሳ
 ዓገና ፄኤሬንቴ ላማታሚ ያይዳሳ ኬሎና ዒደ ናኣዚ ባራኪዮ ናይ
 ማዔ፣ ያኦሲ ማሊያ ኬኤዛ ዛካርያስም ናንገና ናንጋ ጎዳ ሂዚ ጌይ
 ኬኤዜ። 8 ያኦሲኮ ኪኢታንቻሢ ዘቄ ፓሮይዳ ዳይ ዓኣንቴ ታኣኒ
 ፔቴ ዎንቴና ዴንቄ። ዒዚ ደኣጮይዳ ዓኣ ባርሴንቴ ጌይንታ ሚያ
 ባኣካ ዔቄ፤ ዒዛኮ ገንያይዳ ዘቄ፣ ዳንኪ ዘቄ፣ ሃሢ ጋላፒ ፓራ ዔቄ
 ዓኣ። 9 ታኣኒ ዒማና፡- «ታ ጎዳሢያ! ሃይ ፓራሢ ዓይጎ ማላቴ
 ዳዎያዳዎ?» ጌይ ያኦሲ ኪኢታንቻሢ ኮይላ ያኦጩ።

ዒዚ ማሃያ፡- «ሃይ ፓራሢ ዓይጎ ማላታ ዳዎቴያ ታኣኒ ኔና
 ቤኤዛንዳ፤ 10 ዔያታ ሳያ ሃንቴ ሙሪ ሙካንዳጉዲ ናንገና ናንጋ
 ጎዳ ዳኬያኩ» ጌዔ። 11 ዔያታ ዒማና፡- «ሳያ ኑ ቢያ ሃንቴ ሙሪ
 ዛጌ፤ ሳዓ ቢያ ሜታ ባኣያ ኮሺኬ» ጌይ ያኦሲ ኪኢታንቻሢም
 ኬኤዜ።

12 ኪኢታንቻሢ፡- «ቢያ ባኮ ዎይሢ ጎዳሢያ! ዬራሳላሜንታ
 ዪሁዳ ካታሞ ቢያሢ ዑያይዳ ኔ ዳጋዳንቴ ሃይሹ ላንካይታሚ ለዔ
 ዓኣዳ፤ ኔኤኒ ዔያቶ ማኣራዎኣሢ ዎማ ሄላንዳኣናዳዎ?» ጌይ
 ያኦጩ።

13 ዬካፓ ናንገና ናንጋ ጎዳ ታኣና ዎላ ጌሰታ ኪኢታንቻሢም ኮሺ
 ዎዛሳ ዑኡሲና ደዲሻ ጌኤሲያ ጌሰቴ ማሃ። 14 ዬያሮ ኪኢታንቻሢ
 ታኣም ቢያ ባኮ ዎይሢ ጎዳ ማዔ ያኣዛሢ ጋዓ ባኮ ሂዚ ጌይ ዳጊዲ
 ኬኤዜ ጌዔ፡- «ፂዮንታ ዬራሳላሜንታ ታኣሮ ሌሊ ማዓንዳጉዲ
 ኮዓ ማሊሢና ዳኤፒ ናሹሞዎ ታኣኮ ዓኣ፤ 15 ኮሹሞ ዓኣያ ማዔም
 ሂርጋ ባኣያ ናንጋ ሜሌ ዳሮ ካኣቶ ዑፃ ሚርጌና ታኣኒ ዳጋዳ፤
 ዓይጎሮ ጌዔቴ ታኣኒ ታ ዳሮይዳ ሜቶ ዓጊያ ዳካሮ ሃሹ ዎደና ዬያታ
 ካኣታ ታኣኮ ዳሮ ኮይሳሢፓ ዑሣ ፑርታ ጎይሢ ሜታሴ። 16 ዬያሮ
 ካታሜሎ፣ ዬራሳላሜ ማኣራኒ ገንሣ ታ ሺሪ ዒዛ ዛጋንዳ፤ ታኣኮ
 ጌኤዢ ማኣሮንታ ካታሜሎንታ ገንሣ ዓካዲ ማዢንታንዳ።»

17 ያኑሲ ከኢታንቻሢ ጊንሣ ሃሣ፡- «ቢያ ባኮ ዎይሣ ጎዳ ካታማ ጊንሣ ዖርጎጫንዳጉዲ ማሃንዳሢ፣ ዩሩሳሌሜ ካታሞዎ ሚናኢሲጉዲ ዒዚ ማኣዳንዳሢንታ ፔ ካታማ ማሃ ዒዚ ደኦራንዳያ ማዔሢ ኬኤዜ» ጌዔኔ።

ያኑሲ ማሊያ ኬኤዛ ዛካርያስም ፔጋዲ ጴዳ ዖይዶ ጉራኒ

18 ሃሣ ያኑሲ ታና ዖይዶ ጉራኒ ፔጋሲ ዳዌኔ፤ 19 ታኣና ዎላ ጌሰታ ከኢታንቻሢ ኮይላ ታኣኒ፡- «ሃንሢ ጉራኖንሢ ዓይጎ ማላታ ማዒ ዳዎቲያ ታኣም ኬኤዜ» ጌዔኔ።

ዒዚ፡- «ሃኣታ ጉራና ዪሁዳንታ ዒሰራዔኤሌንታ ዩሩሳሌሜንታ ዳሮ ዳውሲ ባይዜ ካኣቶኬ» ጌዔኔ።

20 ዩካፓ ናንጊና ናንጋ ጎዳ ሞቶሻ ኩጫ ዔኪ ዓኣ ዖይዶ ጊቶ ታና ዳዌኔ፤ 21 ታኣኒ ዒማና፡- «ሃንሢ ዓሳ ዓይጎ ማዳኒ ሙኬ ዓሲዳይ?» ጌይ ያኑሲ ከኢታንቻሢ ኮራ ዖኦጮኔ፤ ዒዚ ማሃዖ፡- «ዔያታ ሙኬሢ ዪሁዳ ሳዖ ጋፒሲ ባይዚ፣ ዳሮዎ ዳውሲ ፒፒንዳዴ ማሌ ዳሮ ካኣቶኮ ካራ ባይዚ ዎዲ ኩርሳኒኬ» ጌዔኔ።

2

ዛካርያስም ያኑሲ ፔጋሲ ዳዌ ዋርቆ ዎዳሮ

1 ፔ ኩጫ ዋርቆ ዎዳራ ዔኪ ዓኣ ፔቲ ዓሲ ያኑሲ ፔጋሲ ታና ዳዌኔ፤ 2 ታኣኒ፡- «ኔኤኒ ዎኒ ዳንዳይ?» ጌይ ዩያ ዓሢ ዖኦጮኔ፤ ዒዚ፡- «ዩሩሳሌሜ ካታሞኮ ዖደሱሞንታ ዳልጉሞንታ ዎኣዲታቲያ ታኣኒ ዋርቂ ዔራኒ ዳንዳይ» ጌዔኔ።

3 ዩካፓ ታኣና ጌሰታ ከኢታንቻሢ ቤርቲም ሴካ ዳንዳንቲ ማሌ ያኑሲ ከኢታንቻሢ ዒዛና ካኣማኒ ሙካያ ታ ዳንቄኔ። 4 ቤርታኣ ከኢታንቻሢ ላምዓሲ ጴዳ ከኢታንቻሢም፡- «ዋርቂ ዔር ዎዳሮ ዔኪ ዓኣ፣ ሃሴኬ ዳጌሢ ኮይላ ጳሽኪ ዳንዲ «ዩሩሳሌሜይዳ ሚርጌ ዳራንታ ቆልሞንታ ዓኣሢሮ ዳኤፒ ኬኤሌ ዲሢ ማኣኒ ማቶኬ» ጌይ ኬኤዜ። 5 ናንጊና ናንጋ ጎዳ ፔኤሮ ካታሚሎኮ ዙሎይዳ ታሚ ዲሢ ማዒ ካፓንዳሢና ፔኤኮ ቦንቾናኣ ዒኢካ ፔጋዲ ናንጋንዳሢ ኬኤዜኔ» ጌዔኔ።

ሚሊ ዓጮ ዳንዲ ዓኣ ዓሳ ፔ ዓጮ ማዓንዳጉዲ ኬኤዚንቲሢ

6 ናንጊና ናንጋ ጎዳ፡- «ዓጮኮ ዖይዶ ዛሎ ቢያ ታ ዒንሢ ሃያኮ ቤርታ ዜርቂ ዳኬኔ፤ ሃሢ ጋዓንቲ ዓጮኮ ኬዶ ዛላፓ ዔቂ ቶላኒ ጳሽኩዎቲ። 7 ዒንሢ፣ ዳውሲንቲ ዳንዲ ባብሎኔይዳ ናንጋ ዓሳ ዩሩሳሌሜ ማዒ ሙኩዎቲ» ጋዓኔ። 8 ዒንሢ ካኣማ ዓሲ ዒዛ

ዓኣፖኮ ካርዖማ ሄላ ዓሲ ማዒ ዛጊንታንዳኔ። ዒዚ ታና ቦንቸሲ፣
ዒንህ ቡሬ ዴሮዎ ማኪ ታ ጌስታንዳጉዲ ዳካኣና ታኣም ኬኤዜ
ቃኣላ ያዲ ጋዒያኩ።

9 «ሃህ ታኣኒ ታኣኮ ዎልቆ ዔያቶ ዳዎንዳኔ፤ ዔያታ ሃያኮ ቤርታ
ዓይሌ ማሂ ሻንቁ ዔኪ ዎይህ ዓሶ ኩጮ ጋሮ ዲዒንቲ ጌለንዳኔ፤
ዩካፓ ዒንህያኣ ቢያ ባኮ ዎይህ ጎዳ ታና ዳኬያ ማዔህ ዔራንዳኔ።»

10 «ታኣኒ ሙኪ ዒንህ ባኣካ ናንጋንዳሂሮ ዩሩሳላሜ ዴሬዮቴ!
ታና ቦንቸ ዓይናዲዎቴ! ዎዛዲያ ዒላሹዎቴ!» ጋዒ ናንጊና ናንጋ
ጎዳ።

11 ዩይ ያዲ ማዔ ዎድና ሜሌ ዴሮፓ ሚርጌ ፃጲ ናንጊና ናንጋ
ጎዳና ዎላ ማዒ ዒጊንታንዳኔ። ዒዚ ዔያቶ ባኣካ ናንጋንዳኔ፤ ታናኣ
ዒንህ ባንህ ዳኬህ ዒዛ ማዔህ ዒንህ ዔራንዳኔ። 12 ያኦሲም
ዲማዳ ሳዔሎይዳ ዓኣ፣ ዪሁዳ ፔ ዴኔ ማሂ ያኦሲ ዔካንዳኔ፤
ዩሩሳላሜያ ጊንህ ላሚ ፔኤሮ ማሂ ዒዚ ዶኦራንዳኔ።

13 ናንጊና ናንጋ ጎዳ ዒዛኮ ናንጎ፣ ጌኤዦ ማኣሮይዳፓ ሙካኒ
ጊኢጊ ዔቁሂሮ ዓሲ ቢያ ዒዛ ቤርታ ዚቲ ጎዮንጎ።

3

ቄኤሶ ሱኡጋሂ ዛሎ ያኦሲ ዛካርያስም ፔጋሲ ዳቄ ባኮ

1 ዩካፓ ቄኤሶ ሱጋሂ፣ ዒያሱ ያኦሲ ከኢታንቻሂኮ ቤርታ ዔቁ
ዓኣያ ናንጊና ናንጋ ጎዳ ታኣም ፔጋሲ ዳቄኔ፤ ዒማና ፃላሄ ዒያሱ
ካሳሳኒ ዒዛኮ ሚዛቆ ዛላ ዔቁ ዓኣኔ። 2 ያኦሲኮ ከኢታንቻሂ ፃላሄ
ኮይላ፡- «ሃይ ኔ ፃላሄ! ናንጊና ናንጋ ጎዳ ኔና ጎሮም! ዩሩሳላሜ
ፔኤሮ ማሂ ዶኦራ፣ ናንጊና ናንጋ ጎዳሂ ኔና ጎሮም! ሃይ ዓሂ ታሚ
ጋውሌንቲ ባሺ ዓቲ ዓኣ ሚሂታሂ ኔ ዛጉዎይ» ጌዔኔ።

3 ዒያሱ ከንቄ ዓፒላ ማኣዒ ያኦሲ ከኢታንቻሂ ቤርታ ዔቁ ዓኣኔ።
4 ያኦሲኮ ከኢታንቻሂ ዒዛም ዓይሂንቲ ማዳ ሃንጎ ከኢታንቻ፡-
«ዩያ ከንቄ ማኣዒ ዒዛ ዑፃፓ ሺኢሹዎቴ!» ጌይ ዓይህኔ፤ ዒማና
ሃህ ዒዚ ዒያሱ ባንህ ሺራዮ፡- «ጎም ታ ኔኤኮ ኔጌዳፓ ሺኢሹኔ፤
ቃራ ኮሺ ማኣዮ ታ ኔና ማይሳንዳኔ» ጌዔኔ።

5 ዛካርያስ ዒማና፡- «ቶኦካኣ ዒዛኮ ጌኤሺ ዓፒላ ማሩዎቴራ»
ጌዔኔ፤ ዔያታኣ ዓይሂንቲ ጎይፆማ ማዳኔ፤ ዒያሱ ዒማካ ዔቁ ዓኣ
ጎይህ ዓኣንቲ ያኦሲኮ ከኢታንቻ ዓኪ ማኣዮ ዒዛ ማይሴኔ።

6 ዒማና ያኦሲ ከኢታንቻሂ ዒያሱም፡- 7 «ቢያ ባኮ ዎይህ ጎዳሂ
ሂዚ ጋዒኔ፤ ኔ ሃንታ ሃንቲፃ ታ ጋዒ ጎይፆጉዲ ማዔቴ፣ ታ ኔና ዓይህ

3:1 3:1 ዒዚ. 5:2፤ ዮሃ. ያፔዳ 12:10። 3:2 3:2 ዪሁ. 9።

ባኮ ቢያ ኔ ማዲ ኩንሣቴ፥ ታኣኮ ጌኤዢ ማኣር ኔ ቢታንቶና ኔ ዎይሣንዳጉዲ፤ ታኣኮ ዳራ ቡካ ጰኦኮይዳኣ ዳኤፑሞ ቢታንቶ ታ ኔኤም ዲንጋንዳኔ፤ ሃይካ ሃሢ ዔቂ ዓኣ ጾኦሲ ኪኢታንቶና ዎላ ኔ ማዲያ ታ ኔና ማሃንዳኔ። 8 ቄኤሶ ሱኡጋሃ፥ ዲያሱ! ዎይዜ፤ ዲንሢያኣ ዲዛና ዎላ ቄኤሴ ማዒ ማዲያ፥ ጊንሣ ሃሣ ሃጊ ሴካ ማዓንዳ ባኮኮ ማላታ ማዒ ዓኣ ዓሳ ሃያ ታ ጋዓሢ ዎይዙዎቴ፤ ማሢ ካኣፒ ጌይንታ ታ ዓይላሢ ሃጊ ታኣኒ ዳካንዳኔ። 9 ሃኣዘጉዎቴ፥ ታኣኒ ለንካይ ዓኣፒ ዓኣ ፔቴ ሹቺ ዲያሱ ቤርታ ጌሣንዳኔ፤ ዬይ ዎዚ ጌይሢታቴያ ዲኢካ ታኣኒ ቆኦቂ ፃኣፓንዳኔ፤ ሃኖ ዓፍኮኮ ጎሞ ፔቴ ኬሊና ታኣኒ ሺኢሺ፥ ጌኤሻንዳኔ። 10 ዬኖ ኬሎና ዲንሢ ፔቴ ፔቴሢ ዎይኖና ቤሌሶ ሚያና ዳማ ዳዒ ዲንሢኮ ዓሺኖ ዔኤሊ ሙይ ዑሽኪ ዑሽኪ ዎዛዳንዳኔ።» ጋዓኔ ቢያ ባኮ ዎይሣ ጎዳሢ።

4

ጾኦሲ ዛካርያስም ፖዒ ጌሃ ሻርና ፔጋሲ ዳዋሢ

1 ታኣና ዎላ ጌሰታ ጾኦሲ ኪኢታንቶሢ ላሚ ጊንሣ ሙኪ ጊንዓፓ ጰቸሢጉዲ ታና ጰቸኔ፤ 2 ዒዚ ዲማና፡- «ሃይ ኔኤም ጰዳ ባካ ዓይጌንዳዳይ?» ጌይ ታና ጾኦጮኔ።

ታኣኒ ዲዛም ማሃያ፡- «ለንካይ ፖዒ ጊዳ ፖዓያ ፔቴ ዎርቂ ሻርና ታ ዳንቃኔ፤ ዑዎይዳ ጊንሣ ዛይቴ ጾቲ ጌሢንቲ ዓኣኔ፤ ለንካዎ ፖፖፖ ባኮንሢኮ ቢያና ሻላ ዳኪንታንዳ ዒኢና ዓኣኔ። 3 ዬኖ ሻርኔሎኮ ኮይላ ላምዎ ዛይቴ ሪሚቲ ሚሢ ጾቲሎኮ ሻውሎና ሚዛቆናይዳ ጰዳኔ» ጌዔኔ። 4 ታኣኒያ ታኣና ዎላ ጌሰታ ጾኦሲ ኪኢታንቶሢ ኮይላ፡- «ታ ጎዳ! ሃይ ባካ ዓይጎኮ ኮኣኪንሢ ማዒ ዳዎ ባኣዚዳዎ?» ጌይ ጾኦጮኔ።

5 ዒዚ፡- «ሃይ ባካ ዓይጎታቴያ ኔኤኒ ዔሩዎዓዳ?» ጌዔኔ። ታኣኒ፡- «ዔይዔ፥ ታ ጎዳሢኖ! ታ ዔሩዎሴ» ጌዔኔ። 6 ዜሬባቡሌም ታኣኒ ኬኤዛንዳጉዲ ጾኦሲ ኪኢታንቶሢ ታኣም ኬኤዜ፥ ቢያ ባኮ ዎይሣ ጎዳሢኮ ቃኣላ ሂዚ ጋዓያኮ፡- «ኔኤኒ ባሻንዳሢ ታ ዓያኖናኮ፤ ዎልቄና ሃሣ ደዲምናቴዎሴ። 7 ኔ ቤርቶይዳ ደካ ማዒ ዔቂ ዓኣ ደቃሢ ቢያ ሺኢካንዳኔ፤ ጌኤዢ ማኣር ጊንሣ ኔኤኒ ማኣንዳኔ፤ ማኣር ሹጮና ኔኤኒ ማኣኖ ጋፒንፃ ኔኤኒ ጌሣ ሹጮ ጌሣኣና ዳራ፡- ሩይኖቴ፥ ሃይ

3:8 3:8 ዓ.ር. 23:5፤ 33:15፤ ዛካ. 6:12። 3:10 3:10 ሚኪ. 4:4። 4:3 4:3 ኖሃ. ጾፕዳ 11:4። 4:6 4:6 ዒዚ. 5:2።

ዎዚ ሚዛጳያ! ያኦሲ ሃያ ዓንጂንቴያ ማሆንጎ!፤ ጌይ ጌይ ዎዛዲ ዒላታንዳኔ።»

8 ጊንሣ ሃሣ ናንጊና ናንጋ ጎዳ ታኣሞ ሂዚ ጌዔኔ፡- 9 «ዜገባቡሌ ናኣታ ሃያ ጌኤዡ ማኣሮ ማዢጾሮ ቤርታሳ ሹጮ ጌሢ ዓርቄኔ፤ ዔያታ ፔ ኩቻ ማዲ ኩኩርሳንዳኔ፤ ያዲ ማዓ ዎዶና ቢያ ባኮ ዎይሣ ጎዳሢ ታና ዒንሢ ባንሢ ዳኬያ ማዒጾ ዒንሢ ዒራንዳኔ። 10 ማኣሮኮ ፒዙሞ ሚዒ ዛጎ ዓንጎ ዜገባቡሌ ኩጫ ዛጋጾ ዳካ ባኣዚ ማዲንቴ ኬሎ ቦሂ ቶኦቹ ዓሢ ዎዛዲንዳኔ፤ ሃንሢ ለንካዎ ፖጾንሢ ናንጊና ናንጋ ጎዳሢኮ ዓኣፖኬ፤ ዬይ ዓኣፓ ዓጮ ቢያ ማዔ ካራና ዛጋያኬ።»

11 ታኣኒ ዒማና ጊንሣ፡- «ሃንሢ ፖጾ ጌሦ ሻርኖኮ ሻውሎና ሚዛቆናይዳ ዓኣ ዛይቶ ሪሚቶ ሚጾንሢ ዓይጎ ኮኦኪንሢ ዳዎያዳያ?»

12 ሪሚቶ ዛይታ ሸኦታ ላምጾ ዎርቆ ጂኢኖንሢኮ ኮይላ ዓኣ ላምጾ ሪሚቶ ካኣፖንሢሸ፡ ዓይጎ ኮኦኪንሢ ዳዎያዳያ?» ጌይ ያኦሲ ኪኢታንቻሢ ያኦጩኔ።

13 ዒዚ፡- «ሃይ ባካ ዓይጎታቴያ ኔኤኒ ዔሩዎዳ?» ጌዔኔ፤ ታኣኒ፡- «ታ ጎዳሢያ! ታ ዔሩዎኣዎይ» ጌዔኔ።

14 ዒዚ ታኣሞ፡- «ሃኣታ ላምዓሢ ካኣቱሞም ያኦሲ ዔያቶ ደኣሜያ፡ ሳጾ ቢያይዳ ናንጊና ናንጋ ጎዳ ማዒ ዓኣሢሞ ዓይሢንቴ ማዳ ዓሲኬ» ጌዔኔ።

5

ዛካርያስም ያኦሲ ፔጋሲ ዳዌ ማሪንቴ ቢራኖ ማፃአፖ

1 ላሚ ታ ሃሣ ዛጋንቴ ፔቴ ማሪንቴ ማፃአፔ ዢባሬይዳ ዓኣዳያ ታኣኒ ዳንቄኔ፤ 2 ያኦሲ ኪኢታንቻሢ ታ ኮይላ፡- «ኔኤም ዓይጌ ዴዳይ?» ጌይ ያኦጩኔ፤ ታኣኒ ዒዛም፡- «ጾድሱማ ላማታሚ ዎዳ፡ ዳልጉማ ታጾ ዎዳ ማዔ ፔቴ ማሪንቴ ቢራኖ ማፃአፔ ዢባሬይዳ ዓኣዳያ ታኣም ዴዳይ» ጌዔኔ።

3 ዒዚ ዒማና ታኣሞ፡- «ዬኖ ማሪንቴ ማፃአፔሎይዳ ሳጾ ቢያ ሂላንዳ ጋዳማ ፃኣፒንቴ ዓኣኔ፤ ዬኖ ማሪንቴ ማፃአፔሎኮ ፔቴ ዛሎይዳ፡- <ዉሲ ቢያ ዓጪፓ ባይቃንዳኔ> ጋዳያኬ፡ ባጎ ዛሎይዳ ሃሣ፡- <ሉኡቄ ጫኣቁሞ ጫኣቃ ዓሲ ቢያ ባይቃንዳኔ> ጋዳኔ። 4 ቢያ ባኮ ዎይሣ ጎዳ፡- <ሃያ ጋዳሞ ታኣኒ ዳካንዳኔ፤ ዬይ ጋዳማ ፔቴ ፔቴ ዉዘንታ ሉኡዙሞና ጫኣቃ ዓሲንታ ማኣሪ ጌላንዳኔ፤ ዬይ

4:10 4:10 የሃ. ያፔዳ 5:6። 4:11 4:11 የሃ. ያፔዳ 11:4።

ዒኢካ ጌሊ ዳዒ ዔያቶ ማኣር ሙይ ሻሂ ባይዛንዳኔ ጋባኔ» ጌይ ኬኤዜኔ።

ጾሱ ዛካርያስም ኮታ ጋርካ ዓኣ ላኣሊ ፔጋሲ ዳዌያ

5 ጾሱ ከኢታንቻሂ ላሚ ታ ኮይላ ሙኪ፡- «ዓካሪ፣ ሙካንዳ ባካ ዓይጎታቲያ ኮሺ ዛጌ!» ጌዔኔ።

6 ታኣኒ፡- «ሃይ ዓይጎ ባኣዚዳይ?» ጌዔኔ። ዒዚ፡- «ሳፆ ቢያይዳ ማዲንታ ጎሞ ኮኣኪንሂ ዳዋ ኮታኬ» ጌዔኔ።

7 ኮቴሎኮ ካር ጉኡፓ ዒርሳሴ ጌይንታ ዓንጎና ኮሻናያኬ፤ ታ ዛጋ ጎይሂ ዓኣንቲ ዩይ ካራ ቡለንቲኔ፤ ዩኖ ኮቴሎ ጋራ ፔቲ ላኣሊሰኬና ዳይ ዓኣኔ።

8 ጾሱ ከኢታንቻሂ፡- «ሃና ላኣሌላ ዒኢቲ ማደኮ ኮኣኪንሂ ማዓያኬ» ጋዓፆ፣ ሊካ ዲምዒ ኮቶ ጋር ዒዞ ጌልዜኔ፤ ዩካፓ ጊንሂ ካር ዒዞ ዑፃ ዋዳኔ። 9 ሌካ ዴግ ጌይ ታ ዛጋንቲ ላምፆ ላኣሊ ዠባሪይዳ ባራኒ ታ ባንሂ ሙካያ ታ ዴንቄኔ፤ ዔያቶ ጋኣዛ ኮኣኬ ጋኣሲጉዲ ደዲኬ። ዔያታ ዩኖ ኮቴሎ ሳዓፓ ዔኪ ሌካ ጨሪንጮ ባራኒ ዴንዴኔ።

10 ታኣኒ ዒማና ታኣና ጌሰታ ጾሱ ከኢታንቻሂ ኮይላ፡- «ዔያታ ኮቶ ዋኒ ዔኪ ዴንዳፆ?» ጌይ ጾኦጮኔ።

11 ዒዚ፡- «ሴናፆ ዔኪ ዴንዳኔ፤ ዔያታ ዒኢካ ማኣሪ ማዢ፣ ማኣራ ማዢንቲ ጋፔሰካፓ ኮቴሎ ዒኢካ ጌሂንዳኔ» ጌይ ታኣም ኬኤዜኔ።

6

ጾሱ ዛካርያስም ፔጋሲ ዳዌ ያይዶ ሳርጌላ ያይታ

1 ማሌ ሃሂ ያይዶ ሳርጌላ ያይታ ላምፆ ሞኦና ዓንገ ዲካ ባኣካፓ ኬሰካያ ታና ጾሱ ፔጋሲ ዳዌኔ። 2 ቤርታሳ ሳርጌሎ ያይቲሎ ጎቻሂ ዘቄ ፓር ማዓዛ፣ ላምዓሳዞ ካርሂ ፓራ ጎቻኔ፤ 3 ሃይሂሳዞ ጎቻሂ ቦኦ ፓርኬ፤ ያይዳሳዞ ያዳላ ፓራ ጎቻኔ፤ ቢያ ፓራሂ ዋልቄና ዓኣያ ደዲኬ። 4 ታኣኒ ዒማና ታኣና ዋላ ጌሰታ ጾሱ ከኢታንቻሂ ኮይላ፡- «ታ ጎዳ! ሃይ ሳርጌሎ ያይታ ዓይጎ ኮኣኪንሂ ዳዋፆዳፆ?» ጌይ ጾኦጮኔ።

5 ዒዚ ታኣም፡- «ሃኣታ ያይዶ ዠባርኬ፤ ሳፆ ቢያኮ ናንገና ናንጋ ጎዳሂ ቤርታ ዔቄ ዓይሂንቲ ማዳ ማደፓ ሃሂ ዔያታ ሃጊ ኬሰኮ ኬሰካኔ» ጌዔኔ።

6:2 6:2 የሃ. ጾፔዳ 6:4-5። 6:3 6:3 የሃ. ጾፔዳ 6:2። 6:5 6:5 የሃ. ጾፔዳ 7:1።

6 ካርያ ፓራሢ ጎቻ ሳርጌሎ የይታ ዓጮኮ ኬዳና ባንሢ፣ ቦኦሪ ፓራሢ ጎቻ ሳርጌሎ የይታ ዓባ ጌላ ባንሢ፣ የዳሎ ፓራሢ ጎቻ ሳርጌሎ የይታ ዳኦሎ ዛሎ ዓጮ ባንሢ ዳንዳኔ። 7 ዋልቆና ዓኣ ዩይ ፓራሢ ኬሰኪ ዳንዳኣና ሳዎ ሙሪ ዛጎር ኮሺ ሩኡራኔ፤ የኦሲ ኪኢታንቻሢ ዔያቶ፡- «ዳንዳዋቱ፤ ሳዎ ሙሪ ዛጎታዎቱ!» ጌይ ዓይሤኔ፤ ዩያር ዔያታ ዳንዳ ሳዎ ሙሪ ዛጌኔ። 8 ዩካፓ የኦሲ ኪኢታንቻሢ፡- «ዓጮኮ ኬዳ ዛሎ ዳንዳ ፓራሢ ናንጊና ናንጋ ጎዳሢኮ ዳጎ ሸሚሾኔ» ጌይ ታኣሞ ዒላቲ ኬኤዜኔ።

ዒያሱ ቶኦካ ዓንገቱ ቦንቾ ባኮ

9 ናንጊና ናንጋ ጎዳ ታኣሞ ሂዚ ጌዔኔ፡- 10 «ሄልዳዬ፣ የቢያንታ ዩዳዒያ ጌይንታ ሜሌ ዓጮፓ ዳውሲንቲ ሙኬ ዓሳ ዒንጌ ቢር ዓንጎንታ ዋርቆንታ ዔኪ ሃሢ ኔጉዋየ ሶፖኒያሴ ናኣዚ ዒኖሲያሴ ማኣሪ ዳንዳ፤ ዩይ ዓሳ ቢያ ባብሎኔ ዲዒንቲ ዔውቲየ ማዔ ዓሶኬ፤ 11 ዔያታ ዒንጌ ቢር ዓንጎና ዋርቆናፓ ዔኪ ካኣቶ ቶኦካ ዓጎ ቦንቾ ባኮ ጉኡሪ ማሂ ኮሺጋፓ ፔቲማ ቁኤሶ ሱኡጋሢ፣ ዒኖሴዳቄ ናኣዚ ዒያሱ ቶኦካ ዓጌ። 12 ቢያ ባኮ ዋይሃ ጎዳሢ ሂዚ ጋዓኔ ጌይ ዒዛሞ ኬኤዜ፡- ሐኣፓ ዓኣ ቤዛ ዓኣፖ ጋሞፒንቲ ዳንዳንዳሢ ማሢ ካኣፒ ጌይ ሱንፆ ጌሃና ዓሢ ሃያኬ። ዓኣ ቤዛ ዓኣፖ ባቃሊ ዒ ዳኤፓንዳኔ፤ የኦሲኮ ጌኤዢ ማኣር ጊንሢ ዒ ማዢንዳኔ፤ 13 ጌኤዢ ማኣርኮ ሱኡጌ ማዒ ዋይሃንዳሢ ዒዛኬ፤ ካኣቲሞ ቦንቾ ዔኪ ካኣቶ የይታ ዳዒ ዋይሃንዳኔ፤ ቁኤሴ ማዒያ ማዳይ ዓኣኔ፤ ላሞዓሢ ዋላ ዔኤዒ ኮሹሞና ናንጋንዳኔ።» 14 ካኣቶ ቶኦካ ዓጎ ቦንቾ ባኮኮ ዓቲዘንሢ ጌኤዢ ማኣርዳዳ ሄሌሜ ጌይንታ ሄልዳዬ፣ የቢያ፣ ዩዳዒያንታ ሶፖኒያሴ ናኣዚ ሄኔ ጌይንታ ዒኖሲያሴንታኮ ቦንቾ ጳቂሃያ ማዒ ዒኣካ ጌሢንታንዳኔ።»

15 ዩና ዋዶና ሃኬ ዓጮይዳ ናንጋ ዓሳ ናንጊና ናንጋ ጎዳኮ ጌኤዢ ማኣር ዓካሲ ማዢዋኣና ማኣዳኒ ሙካንዳኔ። ዩይ ጌኤዢ ማኣራ ዓካዲ ማዢንታዛ ቢያ ባኮ ዋይሃ ጎዳሢ ታና ዒንሢ ኮይላ ዳኤሢ ዒንሢ ዔራንዳኔ። ዩይ ቢያ ያዲ ማዒ ኩማንዳሢ ናንጊና ናንጋ ጎዳ ማዔ ዒንሢኮ የኣዛሢሞ ዒንሢ ጉቤ ዒናፓ ዓይሢንታያ ማዔቶኬ።

7

ፒዜ ማዒባኣ ጎይሢና ሙኡዚ ሃሺ ሺኢጲያ የኦሲ ኮዑዋያ ማዒያ

6:12 6:12 ዓ.ር. 23:5፤ 33:15፤ ዛካ. 3:8።

1 ዳኦሪዮሴ ፓርሴ ዓጮይዳ ካኣታዳንቲ ያይዳሳ ሌዖና ኪሰለዎ ጌይንታ ታዘጸሳ ዓጊና ጻኤሬንቲ ያይዳሳ ኬሎና ናንጊና ናንጋ ጎዳ ዛካርያሴም ሂዚ ጌይ ኬኤዜኔ፡- 2 በኤተኤሌይዳ ናንጋ ዓሳ ሳርዔጫሬንታ ሬገሜሌከንታ ዔያቶና ዎላ ዓኣ ዓሳዎ ናንጊና ናንጋ ጎዳኮ ጌኤዡ ማኦሪ ዳከኔ፤ ዩይ ዓሳ ዳከንቲሂ ናንጊና ናንጋ ጎዳ ዓንጅ ሎፓ ኬይሳንዳጉዲ ሺኢቆም፤ ጊንሣ ሃሣ፡ 3 ቢያ ባኮ ዎይሣ ጎዳኮ ጌኤዡ ማኦሪይዳ ዓኣ ቁኤሶና ያኦሲ ማሊያ ኬኤዛ ዓሶ፡- «ሃይማ ሄላንዳእና ሚርጌ ለዔ ኑ ማዲ ናንጌ ጎይያ ደንጋሳ ደንጋሳ ዓጊኖና ሙኡዚ ሃሺ ሺኢጲሂና ጌኤዡ ማኦሪኮ ሻሃንቲዎር ሲዬ ኑ ዓርቆም?» ጌይ ያኦጫንዳጉዲከ።

4 ዩካፓ ናንጊና ናንጋ ጎዳ ታኣም ሂዚ ጋዓ ቃኣላ ኬኤዜኔ፤ 5 ሃኖ ዓጮይዳ ናንጋ ዴር ቢያሂና ቁኤሶናም ሂዚ ጌዔ፡- «ሃያኮ ቤርታ ላንካይታሚ ለዔ ቢያ ደንጋሳ ዓጊኖና ላንካሳ ዓጊኖናይዳ ሙዎ ዒንሂ ሃሺሂንታ ሲዬ ሲዩዎንታ ታና ቦንቻኒዳ? 6 ዒንሂ ሙዎ ሙዎ ዎድና፣ ሃሣ ዑዡ ዑሽካ ዎድና ዒንሂ ሙይ ዑሽከሂ ዒንሂ ቶኦኮምቱዎዳዳ?»

7 ዩሩሳላሜ ዓጫ ያርሳጪ፣ ጊንሣ ሃሣ ዴሬያ ዲቢ ኩሜ ዎድና፤ ዩያጉዲ ካታዎኮ ከይሎይዳ ዓኣ ጉርዶይዳ ሌሊቱዋንቲ ዓጮኮ ደኦሎ ዛሎና ዓባ ጌላ ባንያናይዳ ዓኣ ጌሚር ዴማ ሚርጌ ዴሬ ናንጋ ዎድና ናንጊና ናንጋ ጎዳ ፔ ማሊያ ኬኤዛ ዓሶ ዛሎና ኬኤዜ ቃኣላ ዒማ ሃይማከ።

ዎይዚ ዒዳዎ ዲዒንቲ ሜሌ ዓጪ ዓኣዲዎኮ ካራ ማዔሂ

8 ናንጊና ናንጋ ጎዳ ዛካርያሴም ሂዚ ጌይ ኬኤዜኔ፡- 9 «ታኣኒ፣ ቢያ ባኮ ዎይሣ ጎዳሂ ታ ዴርም ዓይሣ ዓይሣ ያዲከ፤ <ፒዜ ዎጌ ዎጉዎቲ፤ ዎሊም ሴካና ሃንጋና ዓቶም ጌይሂና ሚጪንቲሂና ናንጉዎቲ፤ 10 ዒንሂ ባኣካ ናንጋ ዜኤር ዒንድንሂ፣ ዜኤር ናኣቶ፣ ሜሌ ዓጪፓ ሙኪ ናንጋ ዓሶንታ ሚታዴ ዓሶንታ ሄርቂ ካራ ባይዚፖቲ፤ ፔቲይ ባጋሂም ጌኔ ማዶ ማዲኒ ማሊፖቲ።»

11 «ዔያታ ጋዓንቲ ዎይዘ ዒዳ ሴካ ሺሬኔ፤ ዎይዛዓ ጌይ ፔኤኮ ዎዮዎ ዓርቁኔ። 12 ዒኖ ፔኤኮ ዔያታ ሹቸጉዲ ደዲሺኔ፤ ሃያኮ ቤርታ ታ ማሊያ ኬኤዛ ዓሶ ዛሎና ታኣኒ፣ ቢያ ባኮ ዎይሣ ጎዳ ታ ዓያኖና ኬኤዜ ዎጎ ቢያ ዎይዙዎያ ዔያታ ማዔኔ፤ ዩያር ታኣኒ፣ ቢያ ባኮ ዎይሣ ጎዳሂ ዔያቶይዳ ሚርጌና ዳጋዴኔ። 13 ታኣኒ ኬኤዛዛ ዔያታ፡- «ኑ ዎይዛዓ» ጌዔሂር፣ ታኣኒያ ዔያታ ታና ሺኢቃኣና ዔያቶም ዎይዛዓከ ጋዓኔ ቢያ ባኮ ዎይሣ ጎዳሂ። 14 ዓልጎ ዡባራጉዲ ፒዒ ታኣኒ ዔያቶ ዔኪ ዔያታ ዔሩዎ፣ ፃንጎ ማዔ ዓጪዳ ዔያቶ ናንጊሺኔ፤

ሃና ኮዥ ሳዔል ዲማና ዳይጎ ዳሲያ ናንጉዋያ ጉሪ ሳዓ ማዒ ዓቴኔ፤
ዬና ሚዛጰ ሳዔላኦ ጉሪ ዔዌ ቤሲ ማዒ ዓቴኔ።»

8

ናንገና ናንጋ ጎዳ ዬሩሳሌም ገንሣ ዓንጃኒ ጫኦቄ ጫኦቄዋ

1 ቢያ ባኮ ዋይሣ ጎዳሢ ታኦም ሂዚ ጌዒ ኬኤዜኔ፡- 2 «ዒኢካ ናንጋ ዴሮ ዒናፓ ታኦኒ ናሽካሢሮ ዬሩሳሌም ታኦኒ ማኦዳኒ ኮዓኔ፤ ዒዘኮ ሞርኮ 0-ፃ ዳጋና ታ ዔቃንዳጉዲ ማሄሢ ታኦኮ ዬያ፡ ዒዛ ታኦሮ ሌሊ ማዓንዳጉዲ ኮዒ ዒናፓ ናሽካ ታ ዒና ናሽሞኬ። 3 ታኦኒ ዒኢካ ናንጋንዳጉዲ ታኦም ዲማዴ፡ ታ ካታሞ፡ ዬሩሳሌም ባንሢ ታኦኒ ገንሣ ማዓንዳኔ፤ ጉሙርቁንታ ካታማ ማዒ ዒዛ ዔርታንዳኔ፤ ታኦኒ፡ ቢያ ባኮ ዋይሣ ጎዳሢ ናንጋ ዲካ፡ ያኦሲም ዲማዴ ዲካ ጌይ ሱንሢ ጌታንዳኔ፤ 4 ዒኢካ ናንጋ ዓሳ ሚርጌ ሌዔ ናንጋያ ማዓንዳሢሮ ጋርቹ ባሺንቴ ዓሳ ኮኦሎና ሃንቲ ሃንቲ ዬሩሳሌም ዲዳ ዓሳ ቡካ ቤዛ ሙኪ ዴዓንዳኔ፤ 5 ካታሞኮ ሳዘይዳ ዓኦ ዳልጎ ዳልጎ ጎይፃ ቢያ ዓማሊ ዓማላ ዓቲንቄና ዉዴሮና ኩሚ ዓኦያ ገንሣ ማዓንዳኔ።

6 «ዬይ ያዲ ማዓ ዋዶና ዴርፓ ፒኢጫዲ ዓቲ ዓኦ ዓሳም ዬይ ዳንዳዒንቲዋ ባኦዚ ማሊ ደዴቲያ ታኦም ዳንዳዒንቲዋያ ማዒ ዴኤፃ ባኦዚ ዓኦኖ? 7 ታኦኒ ታኦኮ ዳውሲንቴ ዴንዲ ዓጮኮ ባባ ኬሰካ ባንፆና ጌላ ባንፆናይዳ ናንጋ ዴሮ ማኦዲ ዓውሳንዳኔ፤ 8 ገንሣ ታ ዔያቶ ማሂ ዔኪ ሙኪ ዬሩሳሌም ዲዳ ናንገሻንዳኔ፤ ዔያታ ታ ዴሪ ማዓንዳኔ፤ ታኦኒያ ጎኑሞና ዒሎሞና ዒኢካ ዔኪ ሙኪ ዔያቶኮ ያኦሲ ማዓንዳኔ።

9 «ቢያ ባኮ ዋይሣ ጎዳሢኮ ጌኤዥ ማኦሮ ገንሣ ማኦኒ ዓይፃ ሹጫ ደቁንቴያና ዒኢካ ዓኦ ታ ማሊያ ኬኤዛ ዓሳ ዒንሢም ኬኤዜ ባኮ ዋይዜ ዓሳ፡ ዒንሢ ደዴዋቴ ዒጊጪፖቴ! 10 ዬያኮ ቤርታ ዓሲ ማዲ ላቤሢኮ ጪጎ ባኦዚንታ ቆልማ ማኦዳ ማኦዲያኮዋ ቆልሞ ዓዶንሢም ዒንጎ ባኦዚ ባኦያኬ፤ ዓሲ ቢያ ፔ ዓሺኖ ዒዲ ሞርኬ ማዓንዳጉዲ ታኦኒ ማሄሢሮ ዓይጎ ዓሲያ ማፃም ኮሺና ኬሰኪ ጌሎሞ። 11 ሃሢ ጋዓንቴ ዬያ ዴርፓ ፒኢጫዲ ዓቲ ዓሳ 0-ፃ ቤርታ ታኦኒ ማዴ ጎይፃ ማዴዓኬ። 12 ሃኦኮ ዔያታ ፔኤኮ ኮሺና ዜርቁ፡ ዬይ ካፃዛ ዔኪ ከና ዋሃንዳኔ፤ ዋይናኦ ዔያቶኮ ቃራ ዓኦፒ ዓኦፓንዳኔ፤ ሳፃ ሚሻ ዒርዚያ ዋርቃንዳሢሮ ሳዓ ሚርጌ ሃኦኮ ካዲጎንዳኔ፤ ዬያ ፒኢጫዲ ዓቲ ዴሮም ዬያ ዓንጃ ቢያ ታኦኒ ዒንጋንዳኔ። 13 ሚሊ ዴራ ጋዳንቁንቴ ዓሲ ማሂ ዛጋ፡ ዪሁዳንታ ዒሰራዔኤሌ ዴሪዮቴ!

ታኦሲ ዲንሢ ማኦዲ ዓውሳንዳኔ፤ ማሌ ዓሰም ዓንጀኮ ካራ ዲንሢ ማዓንዳኔ፤ ይያሮ ዲጊጨፖቴ! ደዲዋቴ።»

14 «ይያ ጌዔሢ ታና ቢያ ባኮ ዎይሢ ጎዳኬ፤ ዲንሢኮ ቤርታኦ ዓደንሢ ታና ዳጋሴያና ቲኢሩዋኦ ማቶ ታ ዔያቶይዳ ዓጋኒ ማሊ ቱኬኔ። 15 ይሩሳላሜና ዪሁዳ ዳሮናም ኮሺ ባኦዚ ማዳኒ ማሊ ቱኪ ታ ዔቆሢሮ ደዲዋቴ፤ ዲጊጨፖቴ። 16 ዲንሢ ማዳኒ ኮይሳ ባካ ዓይጎዳይ ጌዔቴ፡- ሴካና ሃንጋና ዎላ ጎኔ ባኦዚ ጌሰቴዎቴ፤ ዲንሢ ዎጎ ዎጋ ቤዘይዳ ኮሹም ዓኦያ ማዓንዳጉዲ ፒዜ ዎጌ ዎጉዎቴ። 17 ፔቴይ ባጋሢም ጌኔ ማዶ ማዳኒ ፑርታ ማሊሢ ማሎፓ፤ ለኡዙም ጫኦቆም ጫኦቆፖቴ፤ ታኦሲ ይያጉዳ ባኮ ቢያ ዲዲፃኔ» ጋዓኔ፤ ናንጊና ናንጋ ጎዳሢ።

18 ቢያ ባኮ ዎይሢ ጎዳሢ ታኦም ሂዚ ጌዔኔ፡- 19 «የይዳሳ ዓጊናና፤ ደንጋሶና፤ ላንካሶንታ ታጳሳ ዓጊናንታይዳ ዲንሢ ካፒ ካፒ ሙዎ ሃሻ ኬላ ቢያ ዪሁዳ ዳሮም ኮሺ፤ ሃሢ ዎዛ ቦንቾ ኬሊ ማዓንዳኔ። ዲንሢ ጋዓንቴ ጎኔ ባኦዚና ኮሹምና ኮዑዎቴ።»

20 ቢያ ባኮ ዎይሢ ጎዳሢ ሂዚ ጋዓኔ፡- «ማሌ ዳሮንታ ሚርጌ ዲቦ ካታዎይዳ ናንጋ ዳራ ይሩሳላሜ ባንሢ ዎኦሢጉዲ ጎዓንዳ ዎዳ ይዓንዳኔ። 21 ፔቴ ካታማይዳ ናንጋ ዓሳ ማሌ ካታዎይዳ ናንጋ ዓሶ ኮይላ ዳንዲ፡- <ሃኒ ይውዎቴ! ቢያ ባኮ ዎይሢ ጎዳሢ ኮሺ ባኦዚ ኑም ማዳንዳጉዲ ኑ ዲዛ ሺኢቆም፤ ኑኡኒያ ሃሢ ዲኢካ ዓኦዲያይዳኬ!> ጋዓንዳኔ። 22 ይያይዲ ቢያ ባኮ ዎይሢ ጎዳሢም ዚጋኒና ዲዛፓ ዓንጀዎ ዓካኒ ሺኢጲሢሮ ሚርጌ ዓሰንታ ዎልቄና ዓኦ ዲቢ ዳራያ ይሩሳላሜ ሙካንዳኔ። 23 ይንሢ ኬሎንሢዳ ማሌ ዓጪ ዓሰ ታጳ ፔቴ ዓይሁዳ ዓሰኮ ማኦሳሢ ጎቺ ዓርቂ፡- <ጾኦሲ ዲንሢና ዎላታሢ ኑኡኒ ዎይዜሢሮ ሃዳራ ዲንሢና ኑ ዳንደም> ጋዓንዳኔ።»

9

ዲሰራዔኤሌኮ ዓሺና ማዔ ሞርኮይዳ ጾኦሲ ዓጋኒ ጊኦኒ ማቶ 1 ናንጊና ናንጋ ጎዳ ሃድራኬ ዓጮና ዳማሰቆ ካታዎናይዳ ማቶ ዓጋንዳኔ፤ ዲሰራዔኤሌ ፃጳ ሌሊቱዎንቴ ሶኦሪያኮ ዳኤፖ ካታማኦ ናንጊና ናንጋ ጎዳም ማዓንዳኔ። 2 ይይ ማታ ሃድራኬ ዓጮ ኮይላ ዓኦ ሃማቴና ሚርጌ ዔራቶ ዓኦ ጂሮሴና ሲደና ካታዎይዳ ኬዳንዳኔ። 3 ጂሮሴ ፔና ካፓኒ፤ ዳይ ካፖ ዳጌ ቤሲ ዎርዲያ ማሂ ኮሼኔ፤ ሚርጌማ ዓጪጉዳ ሹቺ ቢራንታ ዎርቄንታኦ ቡኩሴኔ።

8:16 8:16 ዓፕ. 4:25። 9:1 9:1 ዓሲ. 17:1-3፤ ዓር. 49:23-27፤ ዓሞ. 1:3-5።

4 ጋዓንቴ ዒዛ ዬያ ቡኩሴ ባኮ ናንጊና ናንጋ ጎዳ ዒዛፓ ዔካንዳኔ፤ ባዘይዳ ዓኣ ዒዘኮ ዋልቆ ማዔ ባኮ ዒኢካ ዱኡኪ ዒ ባይዘንዳኔ፤ ካታሚላ ታሚና ሚቺንቲ ዲቢንሢ ማዓንዳኔ።

5 ዓሰቄሎና ካታማ ዬያ ዛጋዖ ዲቃቲ ዒጊጫንዳኔ፤ ጋኣዛ ካታማኣ ዬያ ዛጋዖ ዋኦቶንዶ ካራ ባይዘንዳኔ፤ ዔቆሮኔያ ዬያጉዲ ሃጋኣ ዋዛ ባኣያ ማዓንዳኔ፤ ጋኣዛ ካታማኣ ካኣቲ ባኣያ ማዓንዳኔ፤ ዓሰቄሎና ካታማ ዓሲ ናንጉዋ ጉሪ ቤሲ ማዒ ዓታንዳኔ። 6 ዔሸዶዴይዳ ሲኢሪንቴ ዴሪ ናንጋንዳኔ፤ ናንጊና ናንጋ ጎዳ ሂዚ ጋዓኔ፡- «ሃኣቶ፥ ዖቶርቃ ፒሊሰጻኤሜ ዓሶ ታኣኒ ዳውሲሳንዳኔ፤ 7 ሱጉሢ ገዳ ዓኣ ዓኣዔ ዓሸኮ፥ ጊንሣ ሃሣ ዳምቦ ጎይዖና ሙይንቴዋጉዲ ላኣጊንቴ ሙዖ ዔያቶ ዳንጋፓ ታኣኒ ኬሲሳንዳኔ፤ ዔያቶፓ ፒኢጫዲ ዓቴ ዓሳ ታ ዓሶና ዋላ ሲኢሪንቴ ዪሁዳ ፃጶይዳ ፔቴ ቶኣኪ ማዓንዳኔ፤ ዔቆሮኔ ዴራ ዓዳ ዒያቡሳ ዓሶጉዲ ዴርና ዋላ ሲኢሪንታንዳኔ። 8 ዬካፓ ታ ዓጮኮ ዓጮ ታኣኒ ዋርዲ ዔቁ ካፓንዳኔ፤ ዓጮ ዋልቁና ጌሊ ዓርቃ ዋልቆ ዓሳ ዒኢና ዴንዲዋጉዲ ታኣኒ ላኣጋንዳኔ። ታኣኮ ዴራ ዋማዲ ዋኣዬቴያ ታኣኒ ዛጌሢሮ ሃይካፓ ሴካ ዋልቆና ሄርቂ ዋይሣ ዓሳ ዔያቶ ዋልቁና ጌሊ ዓርቃዓኬ።»

ሃጊ ሙካኒ ዓኣ ጂዮኔ ካኣታሢ

9 ጂዮኔ፥ ዋዛዴ!

ዬሩሳላሜ፥ ዋዛና ዒሊሹ!

ሃይሹ፥ ኔኤኮ ካኣቲ ኮሹሞና ሹሌዔ ማዒ

ሃራሎ ዑፃ፥ ጌይፃ ሃር ናዖ ዑፃ ዴይ

ዋልቁና ባሻያ ማዒ ኔ ባንሢ ሙካኔ።

10 ናንጊና ናንጋ ጎዳ ሂዚ ጋዓኔ፡-

«ታኣኒ ሳርጌሎ ዖይቶ ዒሰራዔኤሌፓ

ዖሎ ፓራሢያ ዬሩሳላሜፓ ዔኪ ሸኢሻንዳኔ፤

ዖሎ ዖላ ሂኢዠዋ ታኣኒ ሜንሣንዳኔ፤

ኔኤኮ ካኣቲ ሜሌ ዴር ባኣካ ዴይ

ኮሹሞ ሳዖይዳ ዔኪ ዬዓንዳኔ፤

ዒ ዋይሣ ዓጮኮ ዛጳ ባዛፓ ዴንዲ ሜሌ ባዘ ሄላንዳኣና

ዔፕራዒሴ ዋራፓ ዓርቃዖ ዴንዲ

ዓጮኮ ጋፒንዖ ሄላያ ማዓንዳኔ።»

9:4 9:4 ዒሲ. 23:1-18፤ ሂዚ. 26:1—28:26፤ ዒዩ. 3:4-8፤ ዓሞ. 1:9-10፤ ማቲ. 11:21-22፤ ሉቃ. 10:13-14። 9:5 9:5 ዒሲ. 14:29-31፤ ዒር. 47:1-7፤ ሂዚ. 25:15-17፤ ዒዩ. 3:4-8፤ ዓሞ. 1:6-8፤ ሶፖ. 2:4-7። 9:9 9:9 ማቲ. 21:5፤ ዮሃ. 12:15። 9:10 9:10 ዓይኑ. 72:8።

- ናንገና ናንጋ ጎዳኮ ዳራ ዲዲንቲ ዳንዴ ዓጫፓ ማዓንዳሢ
- 11 «ዲንጎ ባአዚ ማዒ ዲንገንቲ ሱጉሢና ታ ኔኤም ጫአቁሢሮ
 ዋአፃባአ ጉሮ ዔታ ኔኤኮ ቱኡቲ ዓአ ዓሶ ታኣኒ ኬሳንዳኔ።»
- 12 ዲንሢ፣ ሃጋአ ዋዛ ዳንቁ፣ ቱኡዞ ዓሳ!
 ታኣኒ ቤርታ ዲንሢኮ ዓአሢፓ ጳንጨፍ ማሂ ሃኖ ዲንሢም
 ዲንጋንዳሢሮ
 ዲኢካ ዳዒ ካታሞ ዲንሢኮ ካፖ ዳጌ ቤዞ ባንሢ ማዑሞቲ።»
- 13 ዪሁዳ ታኣኒ ሂኢሺ ጎይሢ
 ዲሰራዔኤሌ ገንሣ ሃሣ ዓአዛ ማሂ ዔያቶና ያላንዳኔ፤
 ገሪኬ ዓጮ ዓቲንቆ ያላኒ
 ዪዮኔፓ ዓቲንቆ ናአቶ ጨንቻ ዓራፖ ማሂ ታኣኒ ዳካንዳኔ።»
- 14 ናንገና ናንጋ ጎዳ ዳሮ ዑፃ ማዒ ፔጋዲ ጴዳንዳኔ፤
 ዲዛኮ ዓአዛ ዜኤሊንሢጉዲ ፖዒ ዳንዳያ ማዓንዳኔ፤
 ናንገና ናንጋ ጎዳ ማዒ ያኦዛሢ ዛዬ ዋርቃንዳኔ፤
 ዓጮኮ ደኦሎ ዛላፓ ቱሮ ሙካ ዓልጎ ዠባሬጉዲ ዠባርሺ
 ዳንዳንዳኔ።»
- 15 ቢያ ባኮ ዎይሢ ጎዳሢ ፔ ዳሮ ዛሎ ያልታንዳኔ፤
 ዲዛኮ ዳራ ፔ ሞርኮ ዎዲ ባይዛንዳኔ፤
 ሞርኮኮ ዎሮ ሹዎ ቶኪና ሄርቃንዳኔ፤
 ዔያታ ያሎይዳ ማሢንቲ ዓሲ ጎይሢ ሚርታንዳኔ፤
 ዔያቶ ሞርኮኮ ሱጉፃ ያኦሲም ዲንጋኒ ሳኦይዳ ኩንሢ ዔከ
 ዬይ
 ዲንጎ ባኮ ዲንጎ ቤዞይዳ ዋሂንታ ሱጉሢጉዲ ሹኦታንዳኔ።»
- 16 ዬና ኬላ ሄላኦና ቆልሞ ሄንቃሢ ቆልሞ ፔኤኮ ሙዓ ቦያይዳፓ
 ዓውሳሢጉዲ
 ናንገና ናንጋ ጎዳ ማዒ ዔያቶኮ ያኦዛሢ ፔ ዳሮ ዓውሳንዳኔ።
 ቦንቾሮ ቶኦካ ዓጎ ባኮይዳ ጳርቂ ኮሸና ዓንጋ ፖዓሢጉዲ
 ዔያታ ፔኤኮ ናንገና ናንጋ ጎዳሢኮ ዓጮይዳ ፖዓያ
 ማዓንዳኔ።»
- 17 ዓጮሎኮ ኮሹሞና ሚዛጲሞና ዎዚ ሄርሺሳያ ማዓንዳይ!
 ዲኢካ ዓአያ ማዓንዳ ሃኦኮንታ ዎይኖ ዑኸንታ
 ዓቲንቆንታ ዉዴሮ ዳጌሢንታኮ ዑያ ሚዛጲሳያ ማዓንዳኔ።»

9:11 9:11 ኬሲ. ማፃ 24:8።

10

ናንጊና ናንጋ ጎዳ ዳሮ ዓውሳኒ ማሌ ማሊያ

1 ናንጊና ናንጋ ጎዳ ዳሮ ሲገሰገሩ ሃቸቡሮ ዒርዚ ዋርቁሳንዳጉዲ ዒዛ ሸኢቁዋቱ፤ ዒርዚና ዓአ ሻአሬ ዳካሢ ናንጊና ናንጋ ጎዳኩ፤ ዒርዚንታ ዲማ ዲማ ባቃላ ባኮዋ ባቃልሳሢ ሲንጋሢ ዒዛኩ።
2 ማሌ ያኣዛገሁዋ ባኣዚ ኬኤዛኔ፤ ዠዋኣ ሉኡዙዋ ባኣዚ ዳንቄኔ ጌይ ኬኤዛኔ፤ ማቂሢ ዓውቲያ ዓውታዳኔ ጌይ ጌሰታኔ፤ ዔያታ ዓሶኮ ዒኖ ደዲሻሢያ ጉሪ ማዔ ባኣዚናኩ፤ ዬያሮ ዳራ ሄንቃ ዓሲባኣ ማራይጉዲ ዣኣሊ ካራ ባይዘኔ።

3 ናንጊና ናንጋ ጎዳ ሂዚ ጋዓኔ፡- «ታኣኮ ዴኤፖ ዳጋ ታ ዳሮ ሄንቃ ሱኡጎ ታሚጉዲ ሙዓንዳኔ፤ ታኣኒ፡ በያ ባኮ ወይሢ ጎዳሢ ታ ቆልሞ ማዔ ዪሁዳ ዳሮ ዓውሳኒ ኮዓሢሮ ዔያቶኮ ሱኡጎይዳ ማቶ ታኣኒ ዓጋንዳኔ፤ ዪሁዳ ዳሮ ያሊ ባሽ ደዲ ፓሮ ታኣኮ ታ ማሃንዳኔ። 4 ዪሁዳ ዳሮ ባኣካፓ ሹዋና ማዠ ማኣራ ዋላ ካኣማ ካራ ጌሃ ሹጮጉዳ፡ ዓፒሎና ማዠ ማኣሮ ደቆ ዓንጎጉዳ፡ ያልዚ ያሎ ሂኢሸጉዳ ሱኡጌንታ ያሎ ዓሶ ዓይሢ ቢቲያ ኬሰካንዳኔ። 5 ዪሁዳ ዳራ ፔኤኮ ሞርኮ ጎይሢ ደቃሌጉዲ ሄርቄ ዳኣፃ፡ ደዲ ያልዚ ዓሲ ማዓንዳኔ፤ ናንጊና ናንጋ ጎዳኣ ዔያቶና ዋላታሢሮ ዔያታ ደዲ ያሊ፡ ፓራሢና ያልታ ዋልቆና ዓኣ ዓሶ ባሻንዳኔ።»

6 «ታኣኒ ዪሁዳ ዳሮ ያልዚ ያላ ደዲ ዓሲ ማሃንዳኔ፤
ዮሴፔ ማኣሮዋ ታኣኒ ዓውሳንዳኔ፤
ታኣኒ ዔያቶ ሚጩንቲ ቲኢራንዳሢሮ በያሢ ፔ ዓጮ ዓጮ ታ ማሃንዳኔ፤
ሃያኮ ቤርታ ፔቲታዖ ታ ዔያቶ ኬኤሪ ቤቂባኣያ ዔያታ ማዓንዳኔ፤
ታኣኒ ናንጊና ናንጋ ጎዳ ዔያቶኮ ያኣሲ ማዔሢሮ
ሸኢጲዖ ታ ዔያቶኮ ዋይዛንዳኔ።

7 ዔፕሬኤማ ዳራ ያልዚ ያላ ደዲ ዓሲ ማዓንዳኔ፤
ዋይኔ ዑሺ ዑሽኬ ዓሲጉዲያኣ ዔያታ ዋዛዳያ ማዓንዳኔ፤
ዔያቶኮ ናኣታኣ ዬያ ባሽዖ ጳቂሢ ጳቂሢ ዋዛዳንዳኔ፤
ናንጊና ናንጋ ጎዳሢ ማዳ ባኮሮዋ ዔያታ ዋዛዳንዳኔ።»

8 «ታ ዳሮ ታኣኒ ታ ባንሢ ዉቲ ዔኤሊ
ፔቲይዳ ቡኩሳንዳኔ፡ ታ ዔያቶ ዓውሳንዳኔ፤
ሃያኮ ቤርታ ዔያታ ዓኣ ጎይዖ ፓይደ ታ ዔያቶኮ ሚርጊሻንዳኔ።

9 ማሌ ዳሮ ባኣካ ታኣኒ ዔያቶ ዜርቄያ ማዔቲያ

ዔያታ ናንጋ ሃኬ ዓጮይዳ ዓኣዖ ታና ጳቂሣንዳኔ፤
ዔያቶንታ ዔያቶኮ ናኣቶንታ ሹምፔና ዓኣያ ማዒ ፔ ዓጮ
ማዓንዳኔ።

10 ጊብፄ ዓጫፓ ታ ዔያቶ ማሂ ዔኪ ዩዓንዳኔ፤
ዓሶኦሬፓኣ ዔኪ ዩይ ታ ዔያቶ ቡኩሳንዳኔ፤
ሳዓ ኩሚም ቤሲ ዔያቶኮ ባይቃንዳሢሮ
ጌሌዓዴንታ ሊባኖኦሴ ዓጮንታይዳኣ ታ ዔያቶ ዴይሣንዳኔ።

11 ዴኤፖ ሜቶ ባዞ ባኣኪና ዔያታ ዴንዳኣና
ታኣኒ፣ ናንጊና ናንጋ ጎዳ ዒኣካ ዔቃ ባዞ ጉዳሢ ጎሪ
ዚቲዳንዳኔ፤

ዔታዴ ቁልባይዳ ዴዒ ዓኣ ዓባዬ ዎሮ ዎኣፃኣ ሚጫንዳኔ፤
ዖቶሬላ ዓሶኦሬ ዳውሲንታንዳኔ፤
ጊብፄያ ካኣታቲ ዎይሣ ዎይሢፃፓ ኬዳንዳኔ።

12 ታኣኒ፣ ናንጊና ናንጋ ዔያቶኮ ጎዳሢ ዔያቶ ዶዲሻንዳኔ፤
ታ ቡንፆና ዔያታ ዖቶርቃንዳኔ።»
ዬያ ጌዔሢ ታና፣ ናንጊና ናንጋ ጎዳኬ።

11

ዒሰራዔኤሌ ዓሶኮ ሞርካ ሜቶይዳ ኬዴሢ

1 ሊባኖኦሴ!
ኔኤኮ ዴኤሎ ዚቢቆ ሚፆ ታሚ ሙዓንዳጉዳ
ካሮ ቡሊ ሃሺ!

2 ሊባኖኦሴይዳ ዓኣ ሚፆ ዶዒሢሮ ዒንሢ ዚቢቆ ሚፆ፡-
«ኑና ዎኦ!» ጌይ ቃዩዎቲ፤
ዒጊቻያ ማዔ ዴኤፖ ሚፆ ቢያ ባይቄ፤
ዲም ጌዔ ዴኤሎ ካያ ቲቁንቲ ጋፔሢሮ ዒንሢ ባኣሳኔ ሻኣቢዮቲ፡-
«ኑና ዎኦ!» ጌይ ጌይ ዒንሢና ቃዩዎቲ።

3 ቆልሞ ሄንቃ ዓሶኮ ቆልሞ ሄንቆ ኮዦ ቤዛ ዲጊንቲ ባይቄሢሮ
«ኑና ዎኦ!» ጌይ ጌይ ቃያያ ዎይዚንቲ፤
ዮርዳኖሴ ዎሮ ዓጫ ዓኣ
ዔያቶኮ ናንጊ ቤሲ ማዔ ዴኤላ ጲሺንቲ ኩዴሢሮ
ዘባ ዖዪ ጉዳያ ዎይዚንቲ።

ቆልሞ ሄንቃ ላምፆ ዓሲ

4 ናንጊና ናንጋ ጎዳ ማዔ ታ ዖኣዛሢ ታኣም ሂዚ ጌዔኔ፡-
«ሹኪንታኒ ጊኣጊንቲ ማራቶ ሄንቃኒ ኬሴ። 5 ዬያቶ ማራቶ ሻንቄ ዓሳ
ሹካንዳኔ፣ ጋዓንቲ ዬያ ሹኬ ዓሶ ሜታ ሄላዓኬ፤ ዔያቶ ሻንቄ ዓሳኣ

ናገረና ናገጋ ጎዳሢ ጋላቲንቶም! ኑ ያርጎጨኑ። ጋዓንዳኔ፤ ሄንቃ
ዓሳኦ ዔያቶ ሚጨገታዓኩ።»

6 ናገረና ናገጋ ጎዳሢ ሂዚ ጋዓኔ፡- «ታኣኒያ ሃካፓ ሴካ ሳያይዳ
ናገጋ ዓይጎ ዓሲማኣ ማፆም ሚጨገታዓኩ፤ ታኣኒ ታ ቶኦኪና ፔቴ
ፔቴ ዓሶ ፔ ዓሺናሢም፡ ሃሃ ካኣቲ ማዒ ወይሃሢ ኩጫ ዓኣሢ
ዒጎጎንዳኔ፤ ዩያታ ዓሺኖንታ ካኣቶንታ ዩያ ሳዖ ባይዛንዳኔ፤ ታኣኒ
ዩያቶ ኩጫፓ ዩኖ ዓሶ ዓውሳዓኩ።»

7 ዩያሮ ሹካኒ ዲማሶና ማራቶ፤ ባሼ ካራ ባይዚ ሚታሶና ቆልሞ
ታኣኒ ሄንቃያ ማዓኔ። ዒማና ታኣኒ ላምዖ ኮኦሎ ዔኩ፡ ፔቴ ኮኦላሢ
ሱንዖ «ዋዛሴ» ጌይ ጌሢ፡ ባጋሢ ሱንዖ «ፔቱሞ» ጌዔኔ። 8 ፔቴ
ዓገኒ ጋርካ ዩያቶ ማራቶ ሄንቃ ሃይሃ ዓሶ ታኣኒ ዳውሲ ዳኬኔ፤
ዒማና ማራታ ታና ዒፄኔ፡ ታኣኒያ ዔያቶ ሸናዳኔ። 9 ዩካፓ ታኣኒ
ቆልሞም ሂዚ ጌዔኔ፡- «ሃይካፓ ሴካ ታኣኒ ዒንሢ ሄንቃዓኩ፤
ሃይቃሢ ሃይቆንጎ፤ ባይቃሢያ ባባይቆንጎ፤ ዓቲ ዓኣ ቆልማ ዋሊ
ጋኣሺ ሙይ ባይቆንጎ፤» 10 ሄሊሳዖ «ዋዛሴ» ጌይ ታኣኒ ሱንዖ ጌሢ፡
ኮኦላሢ ታኣኒ ዔኩ ሚንሢኔ፤ ዩያ ታኣኒ ማዳሢ ናገረና ናገጋ ጎዳና
ዋላ ታ ጫኣቄ ጫኣቄማ ሃሺንቴያ ማዔሢ ዔርዛኒኩ። 11 ዩያ ጎይዖና
ያኦሲ ጫኣቄ ጫኣቄማ ዒማ ኬላ ሃሺንቴኔ፤ ዩያ ታኣኒ ማዳኣና
ዔቄ ዛጋ ማራቶ ኮርማ ዓሳ ናገረና ናገጋ ጎዳ ቃኦሎ ዩያይዲ
ኬኤዜሢ ዔሬኔ። 12 ታኣኒ ዒማና፡- «ዒንሢ ናሽኬቴ ታኣም ኮይሳ
ሚኢሾ ዒንጉዋቴ፤ ዒፄቴ ሃሹዋቴ» ጌዔኔ፤ ዔያታ ታኣኒ ማዳሢ ዛሎ
ሃይሢታሚ ሹቺ ቢራ ታኣም ጨጌኔ።

13 ናገረና ናገጋ ጎዳሢ ታኣም፡- «ጌኦኩ ማኣርይዳ ሚኢሾ ጌሃ
ሳኣዲና ዓጌ» ጌዔኔ። ዩያሮ ታኣኒ «ማዲንቴ ማዶ ዛሎኮ ጊዳ
ሚኢሹኩ» ጌይ ታኣም ዔያታ ዒንጌ ሃይሢታም ሹዋ ቢሮ ዔኩ
ማንዚኮ ያቶ ጋራ ዓጌኔ። 14 ዩካፓ ሃሃ «ፔቱሞ» ጌይ ታኣኒ
ሱንዖ ጌሢ፡ ላምዓሳ ኮኦላሢ ሚንሢኔ፤ ዩያ ታኣኒ ማዳሢ ዩሁዳና
ዒሰራዔኤሌና ባኣካፓ ዋሊኮ ጌርሲንሢ ማዒ ናንጎ ናገጋ ባይቄሢ
ዔርዛኒኩ።

15 ዩያ ታኣኒ ማዳሰካፓ ናገረና ናገጋ ጎዳ ታኣም ሂዚ ጌዔኔ፡-
«ሃሃ ገንሢ ማኣዳ ባኣዚባኣ ቆልሞ ሄንቃ ዓሲ ማዳ ጎይሢ
ማዳ፤ 16 ሳዔሎይዳ ናገጋ ታኣኮ ቆልሞ ሄንቃንዳ ሄንቃ ዓሲ ታኣኒ
ደኦራንዳኔ፤ ጋዓንቴ ዩይ ዓሢ ዩያይዲ ሃሺ ባይቄ ቆሎ ዛሎ ሚታዲ
ማሎዋያ፡ ዣኣሌ ቆልሞ ኮዑዋያ፡ ሚቄ ቆልሞ ኮኦሎዋያ፡ ዋሊ
ዓኣ ቆልሞም ዖሃ ዓጉዋያ ማዓንዳኔ፤ ዒዚ ዩያይዲ ሃሻዖ ቃራዲ

11:12 11:12 ማቴ. 26:15። 11:13 11:13 ማቴ. 27:9-10።

ዲጩዞንህ ሹኪ ሹኪ ሙዓንዳኔ፤ ሹቁሎዋ ዓይሱዋየ ዒ ቆዒ ሙዓንዳኔ። 17 ቆልሞም ሚጨንቶ ዒፄ፥ ዩያጉዴ ፓሁዋያ ማዔ ሄንቃ ዓሣሣም ባዴዔ! ዒዛኮ ቃሶንታ ሚዛቆ ዓኣፖንታ ጩንቻ ዓራፖና ጫቶም፤ ቃሳ ዒዛኮ ጋፒንህ ሚሊ ዘሌያ ማፖም፤ ሚዛቆ ዓኣፓ ዒዛኮ ጋፒ ባይቆም።»

12

ዩሩሳሌም ከሞርካ ያሎና ኩዳንዳያ ማዔፃ ኬኤዚንቴህ

1 ጫሪንጮ ዳጊዲ ዳሪህ፤ ሳፖ ቦኣኮልቂ ማገፍህ፤ ዓሲማኣ ሸምፖ ዑኡሲ ዒንጌ ናንጊና ናንጋ ጎዳህ ሂዚ ጋዓኔ፡- 2 «ዩሩሳሌም ታኣኒ ዒዛኮ ኮይላ ዓኣ ማሌ ዴራ ዒዛፓ ዑሽኪ ማህንታ ዑሽ ዓንጊ ማሃንዳኔ፤ ዩሩሳሌም ያላ ዓሳ ሙኪ ማንጋኣና ዩሁዳኣ ማንጊንታንዳኔ። 3 ዬኖ ኬሎና ዩሩሳሌም ታኣኒ ዴሮ ቢያህም ዓገጹዋ ዴኤፒ ላሌ ማሃንዳኔ፤ ዒዛ ቡጊ ሸኣሻኒ ኮዓይ ቢያ ፔኤሮ ማኣሳናንዳኔ፤ ዓጮ ቢያይዳ ዓኣ ዴራ ጉቤ ዒዛ ያላኒ ሙካንዳኔ፤ 4 ዒማና ታኣኒ ፓራህ ቢያ ዲቃሣንዳኔ፤ ፓራህ ቶጊ ያላ ዓሶዋ ታኣኒ ዣኣሻንዳኔ፤ ፓራህኮ ታኣኒ ዓኣፖ ባይዛንዳኔ፤ ጋዓንቴ ዩሁዳ ዴሮ ታኣኒ ታ ዓኣፖና ዛጊ ዛጊ ካፓንዳኔ። 5 ዬያሮ ዩሁዳ ዓጮ ሱኡጋ ፔ ዒኖና፡- «ቢያ ባኮ ዋይህ ጎዳ ዴያቶኮ ያኣዛህ ማዔህረ ዩሩሳሌምይዳ ናንጋ ዒዛ ዴራ ዒዛና ዋልቁ ዴንቃ» ጋዓንዳኔ።

6 «ዬኖ ዓሶ ታኣኒ ዩሁዳ ዴሮ ሱኡጎ ናኣቦይዳ ዳኪ ዔኤህ ሃንፂሌ፥ ጮኦሪ ጌሃና ናኣራኮ ባኣኪዳ ዓይህንቴ ኩሻ ማሃንዳኔ፤ ዬያሮ ዔያታ ዔያቶኮ ኮይላ ዓኣ ማሌ ዴሮ ሙዒ ባይዛንዳኔ፤ ዩሩሳሌም ዴራ ጋዓንቴ ፔቴታፖ ዔኤቢ ዔያቶ ቆኦዲዋንቴ ካታሞይዳ ኮሽ ዴዓንዳኔ።

7 «ታኣኒ፥ ናንጊና ናንጋ ጎዳህ ቤርታሳፖ ዩሁዳ ዴራ ሞርኮ ባሻንዳጉዲ ማሃንዳኔ፤ ታኣኒ ዬያ ማዳንዳህ ዳውቴ ናኣቶ ቦንቾንታ ዩሩሳሌምይዳ ናንጋ ዴሮኮ ቦንቻ ሃንጎ ዩሁዳ ፃፀይዳፓ ባሽ ማዒ ዴግ ዴጊ ጎውዋጉዲኬ። 8 ዬኖ ዋዶና ታኣኒ፥ ናንጊና ናንጋ ጎዳህ ዩሩሳሌምይዳ ናንጋ ዓሶም ጊቲማ ማዓንዳኔ፤ ዔያቶ ባኣካ ላቤያኮ ጌይንቴህታፖ ዳውቴጉዲ ዶዲ ማዓንዳኔ፤ ዳውቴ ናኣታ ታና፥ ናንጊና ናንጋ ጎዳህጉዲ፤ ጊንህ ሃሃ ያኦሲ ከኢታንቻህጉዲ ሶሮፒ ማዒ ዴሮ ዔኪ ዓኣዳንዳኔ። 9 ታኣኒ ዒማና ዩሩሳሌምይዳ ሞርኬ ማዒ ዔቃ ዴሮ ካኣቶ ቢያ ያላኒ ጊኢጊንቴ ኬሰካንዳኔ።

10 «ዬኖ ዋዶና ታኣኒ ዳውቴ ዜርፖንታ ዩሩሳሌምይዳ ናንጋ ዓሶንታም ሚጨንታ ዓያናና ሸኢጲህ ዓያና ሚርጊሽ ዒንጋንዳኔ፤ ዬያ ታኣኒ ማዳንዳህ ሜቴ ናይ፥ ሃሃ ጊንህ ቶይዲ ናይ ሃይቃዛ

ዲናፕ ዩኤኮ ጎይሢ ዔያታ ጫርጌሢ ሚጨጎቲ ዩኤካንዳጉዲኬ።
 11 ዲማና ዩሩሳላሚይዳ ዩኤከንታንዳ ዩኤፓ ማጊዶ ቦኦሎይዳ
 ሃዲዲሪዎኔ ዩኤኮና ጎይጾጉዲ ማዓንዳኔ። 12 ዩኖ ሳዔሎይዳ
 ፔቴ ፔቴ ቶኦካ ፔ ማኦር ዓሶማ ዓሶማ ዩኤካንዳኔ፤ ዓቲንቃ
 ዲማና ዔያቶኮ ላኦላፓ ዲማዲ ዳይ ዩኤካንዳኔ፤ ያዲዲ ዩኤካንዳ
 ማኦራ፡- ዳውቴ ማኦር፡ ናኦታኦኔ ማኦር፡ 13 ለዊ ማኦርንታ ሺምዲ
 ማኦርንታ ፔ ቶኦኮና ቶኦኮና ፓቂንቲ ዩኤካንዳኔ፤ 14 ዩያጉዲ ሃንጎ
 ዓቲ ማኦር ዓሳኦ ፓቂንቲ ፓቂንቲ ዩኤካንዳኔ፤ ላኦላ ዔያቶኮ ዲማዲ
 ዳዒ ያዩ ዩኤካንዳኔ።»

13

1 ቢያ ባኮ ዎይሢ ጎዳሢ ሂዚ ጋዓኔ፡- «ዩኖ ዎዶና ዳውቴ ናኦቶንታ
 ዩሩሳላሚይዳ ናንጋዞንሢንታም ጎማፓ ዔያቶ ጌኤሻንዳ ዓልቃ
 ዎኦሢ ዑርታንዳኔ። 2 ዓሳ ካኦሽካ ማሌ ያኦዞ ሳይይዳፓ ዲማና
 ታኦኒ ባይዛንዳኔ፤ ላሚ ዔያቶ ጳቂሢንዳ ዓሲያኦ ባኦሲ፤ ማሌ ያኦዞ
 ማሊያ ኬኤዛ ዓሶንታ ፑርቶ ዓያኖንታ ታኦኒ ባይዛንዳኔ። 3 ዓይጎ
 ዓሲያኦ ማጾም ታኦኒ ያኦሲ ማሊሢ ኬኤዛያኬ ጌይ ዔቄቴ፡ ዩያ
 ዓሢ ሸዔ ዓደንታ ዓንደንታ <ናንጊና ናንጋ ጎዳ ሱንጾና ሉኤዚ
 ባኦዚ ኔ ኬኤዛሢሢር ኔኤም ሃይቢ ኮይሳኔ> ጋዓንዳኔ፤ ዒዚ ያኦሲ
 ማሊያ ኬኤዛኔ ጋዓኦና ሸዔ ዓሳ ዒዛ ጫርጊ ዎዳንዳኔ። 4 ዩኖ
 ዎዶና ዓይጎ ዓሲያኦ ማጾም ታኦኒ ያኦሲ ማሊሢ ኬኤዛኔ ጋዓ ዓሲ
 ቢያ ዒዛም ፔጋዲ ጴዳ ባኮ ዴንቃያ ቦርሲንታንዳኔ፤ ዓሶ ጌሻኒ
 ያኦሲ ማሊያ ኬኤዛ ዓሳ ማኦሳ፡ ጋፓኖ ማኦሳሢ ማይንቲ ኬሰከ ዒ
 ጴዳዓኬ። 5 ዒዚ ዲማና፡- ታኦኒ ጎሺ ጎሽካ ዓሲኬ፡ ያኦሲ ማሊሢ
 ኬኤዛያቱዎሴ፤ ታኦኮ ዴጋቶ ዎዳፓ ዓርቃያ ታኦኒ ጎሺ ጎሽከ ናንጋ
 ዓሲኬ> ጋዓንዳኔ። 6 ፔቴ ዓሲ፡- <ሃይ ኔኤኮ ዑይይዳ ዓኦ ከፃ ዓይጌ
 ከፃሴ ከሢዳዶ?> ጌይ ያኦጩቴ፡ ዒዚ፡- ታ ዒጊኒሰኬያ ማኦራ ታ
 ማዳዶ ከፃዴ ከሢኬ። ጌይ ማሃንዳኔ።»

ያኦሲኮ ቆልሞ ሄንቃሢ

7 ቢያ ባኮ ዎይሢ ጎዳሢ ሂዚ ጋዓኔ፡- «ታኦኮ ጩንቾ ዓፓራሢዮ!
 ታና ማኦዲ ታ ቆልሞ ሄንቃ ዓሢ ዑፃ ፑርቱሞና ዔቄ! ማራታ
 ዣኦላ ዴንዲ ባይቃንዳጉዲ ሄንቃሢ ጫርጊ ዎዴ! ታኦኒያ ዳኮ
 ዳኮ ቆልሞ ዎዲ ኩርሳንዳኔ። 8 ዓጮይዳ ዓኦ ዴርኮ ሃይሣፓ ላምጾ
 ማዓ ዛላ ጉቤ ሃይቂ ኩዳንዳኔ፤ ያዲ ማዔቴያ ሃይሣፓ ፔቴ ዛላ

12:10 12:10 ዮሃ. 19:37፤ ዮሃ. ያፕጳ 1:7። 12:14 12:14 ማቴ. 24:30፤ ዮሃ.
 ያፕጳ 1:17። 13:7 13:7 ማቴ. 26:31፤ ማር. 14:27።

ማዕድሃ ሃይቁዋዎ ዓታኅዳኔ። 9 ይያቶ ታኣኒ ዓንገረ ታሚዳ ዓገረ ሸኤሽ ኬሶሣጉዲ ታሚዳ ታ ዔያቶ ጌልዚ ዛጋንዳኔ፤ ዋርቁያ ጎኔ ዋርቁ ማዕዲ ዛገንታሣጉዲ ጎኑሞ ታ ዔያቶ ዛጋንዳኔ፤ ዩካፓ ዔያታ ታና ሸኤቃንዳኔ፤ ታኣኒያ ዔያታ ሸኤቃ ባኮ ዔያቶም ዋይዛንዳኔ። ታኣኒ ዔያቶ፡- <ታ ዴሬዮ> ጋዓንዳኔ፤ ዔያታኣ ታና፡- <ናንገረና ናንጋ ጎዳ ማዕ ኑ ያኦዛሣዮ> ጋዓንዳኔ።»

14

ዩሩሳሌምና ሜሌ ዓጮ ካኣቶና ዛላ

1 ናንገረና ናንጋ ጎዳሢ ዋጎ ዋጋ ኬላ ሄሌኔ፤ ዒማና ዒንሣ ዛጋ ጎይሣ ዓኣንቴ ዒንሣፓ ቡሪ ዔኬ ዓሳ ዔኬ ባኮ ዋለም ገሸታንዳኔ። 2 ዩሩሳሌም ያላንዳጉዲ ናንገረና ናንጋ ጎዳ ሜሌ ዳር ዔኤሊ ዔኪ ዩዓንዳኔ፤ ካታሜሎ ዔያታ ዓርቃንዳኔ፤ ኬኤዎም ቡራንዳኔ፤ ዓኢካ ዓኣ ላኣሎዋ ዋልቁና ዓርቃንዳኔ፤ ዳርፓ ሄካሣ ዲዒንቲ ዔውታንዳኔ፤ ዓቲ ዓሳ ጋዓንቴ ካታማፓ ሜሌ ቤሲ ዴንዳዓኬ። 3 ዩካፓ ናንገረና ናንጋ ጎዳ ሃያኮ ቤርታ ያላ ጎይዎ ይያቶ ሜሌ ዳር ያላኒ ኬሰካንዳኔ። 4 ዩሩ ዓቦ ናንገረና ናንጋ ጎዳሢ ዩሩሳሌም ናባ ኬሰካ ባንፃ ዓኣ ሪሚቶ ዲካ ኬሰኪ ዔቃንዳኔ፤ ዒማና ዩይ ሪሚቶ ዲካ ዓባ ኬሰካ ባንፃፓ ዴንዲ ዓባ ጌላ ባንፃ ሄላንዳኣና ዳልገ ዶኦቹ ማዒ ላምዎ ፓቁንታንዳኔ፤ ዩያር ዩያ ዲኮኮ ሄካሣ ኬዶ ዛሎ ባንሣ፤ ዛላ ደኣሎ ዛሎ ባንሣ ደጫንዳኔ። 5 ዲኮ ዩያይዲ ላምዎ ፓቁ፤ ዴንዲ ዓፃሌ ሄሌ፤ ዩያ ዶኦጮና ፑኒ ቶሊ ዒንሣ ዴንዳንዳኔ፤ ዩሁዳ ካኣቲ ያኦዚያ ዋደይዳ ሳዓ ዓገፃያና ዒንሣኮ ቤርታኣ ዓዶንሣ ፑኒ ዴንዴ ጎይዎ ዒንሣ ፑኒ ዴንዳንዳኔ፤ ናንገረና ናንጋ ጎዳ ማዕ ታ ያኦዛሣ ጌኤዮ ዓሶ ፔኤና ዋላ ዔኪ ዩዓንዳኔ።

6 ዩሩ ኬሎ ሳዎ ሻኣሬ ዓርቁጉዲ ፖዓ ጌኤሽኪ ፖዓዓኬ። 7 ዩና ኬላ ፖዒያ ፖዒ፤ ዲሚያ ዲሚ ጋዓ ባኣዚ ባኣያ ፔቲ ዲማ ኬሊ ማዓንዳኔ፤ ዩና ኬላ ናንገረና ናንጋ ጎዳ ዔሬ ኬሊ ማዓንዳኔ፤ ዲማዛኣ ፖፖዓ ኬሊ ማዓንዳኔ።

8 ዩሩ ዓቦ ዩሩሳሌም ጌኤሽ ዋኣሣ ዓልቃንዳኔ፤ ዩያ ዋኣዎኮ ዛላ ዓባ ኬሰካ ባንፃ ዓኣ ዴኤፖ ባዞይዳ፤ ዛላ ገንሣ ዓባ ጌላ ባንፃ ዓኣ ሜድቲራኒያ ባዞይዳ ዓኣዲ ጌላንዳኔ፤ ያጎኖናኣ ማዎም ባርጎና ቢያ ዋዴ ዩይ ዋራ ጎዔ ጎይሣ ዴዓንዳኔ። 9 ዩሩ ዋዶና ናንገረና ናንጋ ጎዳ ቢያ ዓጮይዳ ካኣታዲንዳኔ፤ ዓሲ ቢያ ዒዚ ሌሊ ያኦሲ ማዕሣ ጉሙርቁ ዔካንዳኔ፤ ዒዛ ሱንዎ ሌሊ ዔኤሊ ካኣሽካንዳኔ።

14:8 14:8 ሂዚ. 47:1፤ ዮሃ. 7:38፤ ዮሃ. ያፔዳ 22:1።

10 ዓጮኮ ከዶ ዛላ ዓኣ ገባዔይዳፓ ዓርቃዎ ዴንዲ ዬሩሳላሜኮ ደኣሎ ዛሎና ገይ ዴንዲ ሪሞኦኔ ሄላንዳኣና ዓኣ ዓጮ ቢያ ቦኦሊ ማዓንዳኔ፤ ዬሩሳላሜ ኮይሎይዳ ዓኣ ዓጮፓ ዑሣ ለካ ዴግ ጋዓንዳኔ፤ ካታሜላ ቢኢኒያሜ ካራፓ ዴንዲ ቤርታኣ ካሮ ዛሎይዳ ዓኣ ለምዎ ዲፃ ዎላ ካኣማ ካሮ፤ ዬያጉዲ ሃናኒዔኤሌ ኬኤሎ ዲፃፓ ዴንዲ ካኣቱሞ ማኣሮኮ ዎይኖ ዑዠ ጨኡጾ ቤዞ ሄላንዳኣና ዴግ ዴጊ ገይ ዶዲ ዴንዳኔ። 11 ዬሩሳላሜ ዓሲ ናንጋ ቤሲ ማዓንዳኔ፤ ሃይካፓ ሴካ ዒዛይዳ ባይሲንታ ኬዳዓኬ፤ ዒኢካ ናንጋ ዴራኣ ሂርጋ ባኣያ ሃውሺ ናንጋንዳኔ።

12 ዬሩሳላሜ ያላኒ ዔቃ ዴሮይዳ ናንጊና ናንጋ ጎዳ ዎዲ ኩኩርሳ ዶርዎ ዓጋንዳኔ፤ ሺምፔና ዔያታ ዓኣንቴ ዑፃ ዓኣ ዓሸካ ዔያቶኮ ሙርዓንዳኔ፤ ዓኣፓ ዔያቶኮ ዴዒ ዓኣ ዔቶይዳ ዒኢካ ዎዓንዳኔ፤ ዒንዲርዛኣ ዳንጎ ጋራ ዓኣፃ ሙርዓንዳኔ።

13 ዬኖ ዎዶና ናንጊና ናንጋ ጎዳ ካራ ባይዛ ሜቶና ዒጊቹሞና ዓሰይዳ ዳካንዳሢሮ ፔቴይ ባጋሢዳ ሞርኬ ማዒ ዔቁ ዎሊ ዎዳንዳኔ። 14 ዪሁዳ ዴራ ዬሩሳላሜ ዓውሳኒ ያላንዳኔ፤ ኮይሎይዳ ዓኣ ሜሌ ካኣቶኮዎ ቆሎ ቢያ ዲዒ ዔካንዳኔ፤ ዔያታ ዲዒ ዔካ ባኮይዳ ዎርቁ፣ ቢራንታ ማኣፃኮዎ ዲማ ዲማ ቶኦኪ ዲቢ ዓኣፃ ማዓንዳኔ።

15 ዬያጉዴ ዎዲ ኩርሳ ዶርዓ ሞርኮ ጉርዶይዳ ዓኣ ዲማ ዲማ ቆልሞ፣ ፓራሢ፣ ባቁሎ፣ ጋኣላሢንታ ሃሮንታ ቢያ ኬዲ ዎዳንዳኔ።

16 ዬሩሳላሜ ያሌ ካኣቶፓ ባይቁዎዎ ቶሊ ዓቴ ካኣታ ዉልሾ ዴማ ዴዒ ቦንሾ ቦንሾ ቦንቻኒና ቢያ ባኮ ዎይሣ ጎዳሢ ዚጊ ካኣሸካኒ ሌዓ ሌዓ ዬሩሳላሜ ሙካንዳኔ። 17 ካኣታሢ፣ ቢያ ባኮ ዎይሣ ጎዳሢ ዚጊ ካኣሸካኒ ዬሩሳላሜ ሙኩዎ ዴሬ ዓኣቶ ዔያቶኮ ሳያይዳ ዒርዚ ዎርቁንዲዎሴ። 18 ጊብፃ ዓጮ ዓሳ ዬያ ቦንሾ ቦንቻኒ ዬሩሳላሜ ሙኪ፣ ናንጊና ናንጋ ጎዳ ቤርቶ ሺኢካኒ ኮይባኣቶ «ዬሩሳላሜ ኦኡኒ ዴንዲ፣ ዉልሾ ዴማ ዴይ ቦንሾ ቦንሾ ቦንቻዓ» ጋዓ ካኣቶይዳ ኬዴ ዎዲ ኩርሳ ዶርዓሢ ዔያቶይዳኣ ኬዳንዳኔ። 19 ጊብፃ ዓጮ ዓሰ ማዔቴያ ሜሌ ካኣታ «ዉልሾ ዴማ ዴይ ቦንሾ ቦንሾ ኦ ቦንቻዓ» ገኤቴ ዔያቶይዳ ሙካንዳ ሜታ ዬያኬ።

20 ዬኖ ዓቦ ፓራሢኮ ሉኡሎ ኬኤይይዳ ቱከንታ ሉኡሎይዳ ቢያ «ናንጊና ናንጋ ጎዳሢሞ ዲማዴያ» ጋዓ ፃኣፒንቴ ባኣዚ ኮሺንታዳኔ፤ ገኤፕ ማኣሮይዳ ዓሸኮ ካሃ ያታ ያኦሲም ዒንጎ ባኮ ዒንጎ ቤዛይዳ

14:11 14:11 ኖሃ. ያፕ. 22:3። 14:16 14:16 ሌዊ. ዓኬ 23:39-43።

ዓኣ ዓንጎ ሰኣኖጉዲ ናንጊና ናንጋ ጎዳሞ ዲማዕያ ማዓንዳኔ።
 21 ዬሩሳላሚና ዪሁዳ ዓጮናይዳ ዓኣ ዓሽኮ ካሦ ጾታ ቢያ፣ ቢያ ባኮ
 ዎይሣ ጎዳሢሞ ዲማዕያ ማዓንዳኔ፤ ጾኦሎሞ ዒንጎ ባኮ ዔኪ ሸኢሻ
 ዓሳ ቢያ ዬያ ጾቶ ዔኪ ዔኪ ዓሽኮ ካሦንዳኔ፤ ዬይ ያዲ ማዓኣና
 ቢያ ባኮ ዎይሣ ጎዳሢኮ ጌኤኸ ማኣሮይዳ ካኣናኔ ዓሲ * ባኣያ
 ማዓንዳኔ።

* 14:21 14:21 ካኣናኔ ዓሲ፡- ጋዓዘ ፔቴ ፔቴ ማፃአፓ ኮርሞ ኮርማ ዓሲ ጋዓኔ።

ጌሌዥ ማግኔግ
**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929